



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Florentinvm Contra Alienatores Rervm ecclesiasticarum
celebratum anno Domini MLV. tempore Victoris papae II.

urn:nbn:de:hbz:466:1-15625

Defunctus est Victor papa Florentiae anno Christi 1057. die 28. Iulii, cum sedisset annos duos, menses tres, & dies quindecim: sepultus est loco eodem quo obierat. Cessauit episcopatus, auctore Lamberto, a vigesima octaua Iulii ad secundam Augusti per dies quinque.

ANNO
CHRISTI
1055.

CONCILIVM FLORENTINVM,
CONTRA ALIENATORES RERVM
ecclesiasticarum celebratum anno Domini M L V. tem-
pore Victoris papæ II.

N O T A.

* *Concilium.*] Auctoritate Leonis Ostiensis constat hanc Synodum in præsentia Victoris papæ & Henrici imperatoris celebratam esse. Constitutum fuisse in ea decretum de bonis ecclesiae non alienandis, testatur Petrus Damianus in epistola ad Dominum V. episcopum scripta, quam haec tenus nondum editam, ex codice Vaticano descripsit Baronius. In eadem hac Synodo damnatum fuisse Berengarium constat testimonio Lanfranci, qui asserit Victorem ipsum in omnibus Conciliis quæ celebrauit, vel celebranda curauit, cuncta a prædecessore constituta confirmasse, præcipue quæ circa damnationem hæreses Berengarii per ipsum gesta fuerant. Ait enim: *Quæ sententia Leonis papæ non effugit successorem quoque suum felicis memorie papam Victorem. Sed quidquid de hac re seu de ceteris ipse statuit, statuive precepit, hoc etiam ista sua atque omnium Conciliorum suorum auctoritate firmauit.* Vide Baronium prædicto loco.

Decreta &
acta Con-
ciliij quæ
fuerint.

CONCILIVM LVGDVNENSE,
QVO EPISCOPVS QVIDAM PER
Hildebrandum sedis apostolicæ legatum miraculose
de crimine simoniæ conuincitur, anno Domini M L V.
tempore Victoris papæ II. celebratum.

N O T A.

* *Concilium.*] Hildebrandus sanctæ Romanæ ecclesiæ cardinalis subdiaconus, quem Victor papa ad corrigendos prauos usus ecclesiæ Gallicanæ legatum a latere miserat in Galliam, Lugduni Concilium congregauit; de quo ex antiquioribus gestis Romanorum pontificum a Nicolao Aragonio congestis hæc descripsit Baronius: *Eodem tempore, cum simoniacæ hæresis totam Italiam & Burgundiam*

Hildebran-
dus cur in-
dixerit.